

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 14.06.2018թ. թիվ 1808136529 որոշումն անփոփոխ, իսկ վարչական բողոքն առանց բավարարման թողնելու մասին

<<11>> 04 2018թ 14-13-75340-18/17-13-8057

ք. Երևան

«Ոստիկանության ճանապարհային ոստիկանության պետ, ոստիկանության գնդապետ Ե. Կարապետյան», վերանայելով Հարութիկ Խաչատրյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

«Գեղարքունիքի մարզի Գավառ քաղաքի Զարգարյան փողոցի 11 տան բնակիչ Հարութիկ Խաչատրյանը դիմումով խնդրել է վերանայել Ճանապարհային ոստիկանության վարչական տույժ նշանակելու մասին 14.06.2018թ. թիվ 1808136529 որոշումը՝ նշելով, որ համաձայն չէ որոշմամբ արձանագրված իրավախախտման հետ։

Դիմումի քննարկման արդյունքում ուսումնասիրելով որոշման հիմքում դրված բոլոր առկա հանգամանքները պարզվել է, որ դիմումատուի խնդրանքն անհիմն է, քանի որ որոշման հիմքում դրված տեսանյութն ապացուցում է ինչպես Երևան քաղաքի Շիրակ - Արտաշիսյան փողոցների խաչմերուկի հատվածում «Կանգ գիծ» գծանշման առկայությունը, այնպես էլ դիմումատուի կողմից լուսացույցի երթևեկությունը արգելող ազդանշանի ներքո այն հատելու փաստը։

Հարկ է նշել նաև, որ «Կառավարության «Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին» թիվ 955-Ն որոշման 7-րդ կետի 3-րդ ենթակետի համաձայն՝ **դեղին ազդանշանն արգելում է երթևեկությունը** (բացառությամբ կանոնների 19-րդ կետով նախատեսված դեպքի) և նախազգուշացնում ազդանշանի առաջիկա փոփոխման մասին։

Նշված իրավախախտման համար պատասխանատվություն է նախատեսված Վարչական իրավախախտումների մասին ՀՀ օրենսգրքի 124-րդ հոդվածի 1-ին մասով, ուստի վարչական տույժ նշանակելու մասին որոշումն իրավաչափ է և օրինական։

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 14.06.2018թ. թիվ 1808136529 որոշումը թողնել անփոփոխ, իսկ վարչական բողոքն առանց բավարարման։
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում։
3. Սույն որոշման օրինակն ուղարկել Հարութիկ Խաչատրյանին։

